

P. 662, L. 9【苦惑業、正了緣因佛性】《靈峰蕩益大師宗論》卷 2：「十界…正因理體同，了因解性同，緣因業用同。不同者，幾希之一念耳。一念背覺合塵，法身、般若、解脫即苦、惑、業。如暗觸寶，傷皮破骨，豈寶之罪哉，但庶民去之耳。一念背塵合覺，苦、惑、業即法身、般若、解脫。如善用寶，四事豪適，乃顯妙寶之功。」(J36,p.289a12-16)《慈悲道場水懺法隨聞錄》卷 2：「眾生法身。既與功德相應。何故無有如來德用？應知此如蓮華未開。諸惡見葉共包裹故。亦如金山。被瞋恚泥所封著故。又如虛空。被愚癡雲之所蔽故。煩惱能障本有靈覺之性。如黑暗叢林能覆日月之光。了義者。法身是本真之理。不生不滅者。但煩惱覆之則隱。智慧燭之則顯。又『了』有二義：一了斷義。般若能了煩惱空故。二顯了義。能顯法身故(大經云。了因者。猶如燈明。照了于物。緣因。即施戒等五。與般若為資緣故。資彼正因力。斷惑成菩提也)。」(X74,p.686c14-20)《法華十妙不二門示珠指》卷 1：「一正因性。即眾生如，當體清淨。是毗盧性。名法身種(即前苦報)。二了因性。即貪恚癡，性本明了。是般若性。名報身種(即前癡惑)。三緣因性。即六趣業，性不可得。是解脫性。名應身種(即前業相)。」(X56,p.309b23-c2)

P. 662, L. -3【告得大勢菩薩】《法華經授手》卷 8：「涌出品後。世尊答彌勒。將欲顯發宣示諸佛三力(p.569-570)。則〈壽量〉一品。為自在神通力。〈分別功德〉至〈法師功德〉。皆獅子奮迅之力。故告常精進也。今品明大勢威猛之力。故首告得大勢。以為當機。得大勢即大勢至也。與常精進藥王等。通在序品。…此作流通大行菩薩模範耳。如前所說者。〈法師品〉云：若有惡人。以不善心。常毀罵佛。其罪尚輕。若人以一惡言。毀訾在家出家讀誦法華經者。其罪甚重(p.445)。是也。」(X32,p.783a5-13)

P. 662, L. -1【如向所說】《法華經授手》卷 8：「此指得福。如向所說者。即〈法師功德品〉也。要解云。將顯精持。先舉此者。所以警眾使知持毀之報不謬。而深信精持廣利也。」(X32,p.783a15-17)

P. 663, L. 1【本事】《大乘阿毘達磨集論》卷 6：「何等本事？謂宣說聖弟子等前世相應事。何等本生？謂宣說菩薩本行藏相應事。」(T31,p.686b14-15)《翻譯名義集》卷 4：「本生。此說菩薩行因本曾為事也。《顯揚論》云：「本事

者，謂如來說聖弟子前世等事。本生，謂如來說菩薩本所修行相應等事。」」(T54,p.1111c22-25)

P. 663, L. 1【事本】《法華經授手》卷 8：「因敘事本。先敘本師。以師顯本。其本有源也。先敘時代。次敘佛名。知音云：威以形言。音以聲言。王者自在。義兼形聲。而王於威音那畔也。由威故得劫名『離衰』。由音故得國名『大成』。如來舉昔因。而偏告得大勢者。大窾云：以末世持經。自非真得大法勢力。具天空海濶之懷。霽月風光之度。則為境風飄動心海。興波作浪。不得寧帖。不能忍辱。故特告之也。又威音者。不徒全事。以智德超勝。法音徧布也。故威以自全。音以全生。於自他無礙。故稱王也。」(X32,p.783a21-b5)

「威音那畔」：威音王佛乃是過去莊嚴劫最初之佛，此佛出世以前為絕待無限之境界，故禪家多以威音王佛出世以前稱為「威音那畔」，以示學人向上探解之境界，或點醒學人自己本來之面目。其意與「父母未生以前」、「天地未開以前」等語相同。～《佛光大辭典》

P. 664, L. 1【劫國】《法華經大成》卷 8：「威音王者。以形聲二益。得大自在故。劫名二句。劫國莊嚴。離衰者。時清道泰。正法興隆。離諸衰惡故。大成者。說法利物。所益弘多。究竟佛慧。集大成故。其威下，說三乘教法。得大下，明壽命無量。正法下，明法住久近。正法像法下，有二萬億佛出世。同一名號。」(X32,p.512c2-7)

P. 664, L. 6【究竟佛慧】《法華經演義》卷 6：「初是說三乘法。究竟佛慧。是說一乘之法。即是究竟令得開示悟入佛之知見。究竟令得證於長遠壽命也。蓋佛佛道同。故今釋迦法爾。先開於三。後顯於一。而威音王佛。亦復如是也。是威音等。明壽命正像也。正法如一閻浮提微塵者。即是以南閻浮提一洲。抹為微塵。一塵一劫。相與適等也。像法劫數。故如四洲之塵也。饒益眾生已。然後滅度者。彼佛出世之意。不過欲豐饒利益眾生而已。今既欲先開三。而三已開。欲後顯一。而一已顯。則已得大饒益眾生矣。更有應以滅度而得度者。則還入於滅度也。」(X33,p.261c11-21)

P. 665, L. 1【正像法滅】《法華經授手》卷 8：「此舉威音如來之壽量無窮。

以及正像劫量無際者。為如來救濟之心。與時無間也。故後云。饒益眾生已。然後滅度。又此兩句。更當活看。況眾生無盡。佛亦無終。而云益已滅度者。皆屬一期功勳言耳。此敘最初一威音王佛也。

自一佛相繼。而有第二佛也。但言此國。而不標名者。直指云。是一真清淨之寂光土也。謂佛與眾生。等同一體。故從上能度之主。并所度之生。總不離此土也。二萬（億）佛同一號。正同二萬燈明（p.110）。表真俗圓融之相。此敘佛之多。以見釋迦往因之曠遠也。」（X32,p.783b10-20）

P. 665, L. 4【種熟脫】下種、調熟、解脫之略稱。為佛化益眾生之三階段。下種，謂將成佛之種子播於眾生心中。調熟，謂傳播教法。解脫，謂從苦中脫離。天台宗認為自佛最初將成佛之種子播於眾生心中，以迄最後之開悟，可分為此三階段。又此三者皆是從佛處蒙受利益，故亦稱『三益』。「下種」即眾生與佛法最初之結緣，「調熟」即有成佛可能之種子逐漸成長至近於開悟，「解脫」即成佛種子全然成長，終得圓滿之悟果。

以種、熟、脫配於法華經〈化城喻品〉之內容，即謂聲聞、菩薩等大眾，往昔在「大通智勝佛」之會下聽聞法華經得信受領解，稱為下種；於大通智勝佛以後，漸誌樂小法而深著五欲，如來深知眾生此性，遂設種種方便誘導之，稱為調熟；及至靈山會上更聞法華經而得當來成佛之記別，稱為解脫。

法華經玄義卷一上：「巧為眾生作頓、漸、不定顯密種子，中間以頓漸五味調伏長養而成熟之，又以頓漸五味而度脫之；並脫、並熟、並種，番番不息，大勢威猛，三世益物。」又俱舍論卷二十三以聲聞之三生得果配於種熟脫之三位。即於第一生起順解脫分，於第二生起順抉擇分，於第三生入於聖位乃至得解脫；猶如下種、成苗、結實等三位之不同。～《佛光大辭典》

P. 665, L. 8【增上慢】如前（p.162）：「未得三果，謂得三果；未證無學，謂證無學。如誤認四禪以為四果等，名增上慢。」「增上慢」：對於教理或修行境地尚未有所得、有所悟，卻起高傲自大之心。如經論中常舉示的未得謂得、未獲謂獲、未觸謂觸、未證謂證等，均屬修行人生起增上慢之例。將他人與自己比較而產生自負高傲之心，亦稱為增上慢，即通常所謂的「貢高我慢」。「無聞比丘」：缺乏智慧經驗之凡夫比丘。彼自我臆斷佛之說法，而修行結果又不

符自己所信，遂謗佛難法。無聞比丘即指持此邪見之比丘。《楞嚴經》卷九：「如第四禪無聞比丘，妄言證聖，天報已畢，衰相現前，謗阿羅漢，身遭後有，墮阿鼻地獄。」～《佛光大辭典》《法華經授手》卷8：「此謂二萬億之最初佛。正像法滅。而人極惡也。增上慢。是意惡。有大勢力。是身口惡。此自敘因名。本是比丘。而以菩薩稱者。顯內秘外現。欲使一切眾生普皆作佛。是人惡而已固善也。」(X32,p.783b23-c3)

P. 665, L. -5【煖法】《俱舍論》二十三卷三頁云：論曰：修習總緣共相法念住，漸次成熟，乃至上上品。從此念住後，有「順抉擇分」初善根生；名為煖法。此法如煖；立煖法名。是能燒惑薪聖道火前相。如火前相，故名為煖。此煖善根分位長故；能具觀察四聖諦境，及能具修十六行相。（苦諦：1 非常，2 苦，3 空，4 非我。集諦：1 因，2 集，3 生，4 緣。滅諦：1 滅，2 靜，3 妙，4 離。道諦：1 道，2 如，3 行，4 出。）此四善根位皆以修慧為體，四靜慮、未至及中間等六地為所依。大乘唯識家，則於菩薩「十迴向」之滿位立此「四善根」，謂於此位當修「四尋思」及「四如實智」之觀，依此而觀能、所取為空。煖位：謂依菩薩「明得定」，發「下尋思」，觀所取之「名、義、自性、差別」等四法為空無。此即見道無漏智火之前相，故稱煖位。～《法相辭典》、《中華佛教百科全書》